



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 17. Barbari in necem Petri Romeri & Sociorum conjurant.

**urn:nbn:de:hbz:466:1-38528**

nuerant. Sed jam pace domi utcumque sanctitatem, & aucto Sociorum numero, summo per desiderabant trans Paraquarium facem Evangelicam inferre: multorum enim relatu cognoverant, eam terram, quae inter Itatinos & Peruviam, ingenti centum & quinquaginta leucarum traectu in longum variâ latitudine extenditur, frequentissimam esse Barbarorum pagis, nondum Christianam legem professis: sperabantque, plura oppida in ea Americae parte fundari posse, si se eò Societas intromitteret. Porro difficilis erat hæc Provincia, Ariolorum & Apostatarum fæce passim infessa; exigebatque hominem expertum æquè ac magnanimum. Quam obrem Franciscus Lupercius Provincialis, cùm è præteritis facinoribus tanto oneri parem Petrum Romerum cognovisset, per litteras eum monet, ut quamprimum caperret Itatinensem provinciam, & trans Paraquarium fluvium produceret imperii Christiani fines. Is ex Assumptionis urbe, in qua Collegium Vicariæ poteestate regebat, abiens, superatis feedissimis paludibus & ericetis, ubi provinciam suam tenuit, adhibitis in consilium Patribus, & Neophytorum primoribus, statim egit, num quid in præsentiarum obstareret, quin ultra Paraquarium fluvium Christianæ leges promulgarentur? Ex quo consilio sic discessum, ut omnes existimatent, rem tot annis & tantis votis expeditam non ultra esse differendam. Quare Romerus, assumptis in socios Justo Vansurkio, diu Itatinensi missioni cum laude præfecto, & Matthæo Fernadio, Societatis candidato, necnon ex utroque Neophytorum nostrorum oppido fidelissimis capitibus, anno millesimo sexcentesimo quadragessimo-quinto se dat in viam, transmissaque per Pataquarium, ferociissimorum hominum, fines Pataquario, duodevigesimo ab discessu die primos Barbarorum pagos ingressus, reperit plerosque Societatis famâ præoccupatos, ab Christiana lege non admodum abhorrente: volebatque abundantioris messis desiderio ultra pergere; sed tum ab Sociis, tum ab incolis absterritus est, affixantibus optima principia corruptum iti, si se præcipitaret.

**O**b id Romerus, ampliori spe dilata in primis pagis hærens, apud Cuperulum, magni nominis Casiquium, sedem fixit: quod cùm convenissent è propinquis locis multi mortales, futuri oppidi aream designat, ædicularum Divæ Barbaræ, à Francisco Lupercio Provinciali in patronam novæ provinciæ designatae, dedicat, erecta que solemni ritu Cruce, nostra Religionis initia apud frequentes Barbaros explicat. Qui quia ostenderent, superstitione reliqua, Patribus instruendos se velle tradere, omni ope apud Majores suos contendendum putavit, ne tanta rei promovenda auxilia opportua decessent. Quapropter ad Franciscum Lupercium Provinciale litteras dat, postulans, ut quoquot posset Sacerdotes, periculorum contemptores, laborum amatores, gloriæ Divinæ amplificandæ cupidos, animarum Christo lucrandarum avidos, suum in subsidium quamprimum mitteret, non defuturam magnis animis materiali: sperare enim se totam eam regionem, quæ inter Tucumahiam, Peruviam, & Paraquarium, immenso prope intervallo concluditur, devictis ferocissimis nationibus, pulso dænone, Christo posse subjugari. His peractis, comites Neophytes omnes, sex solummodo apud se retentis, ad vetera oppida remittit: Justum Vansurkium abs se cum mandatis amandat, ut ab Laureano Sobrino, Collegii Assumptionis Rectore, ducentis leueis distante, instrumenta ad fundandum oppidum idonea instanter peteret. Interim vero dum subsidia præstolatur, negotium suum apud Superos urgens, continuo precibus orabat, ne Stygiis artibus tantæ spes corrumperentur. Si ab oratione discederet, in id maxime intendebat, ut vicini, remotique populi, ad sequendas Christi partes adjicerent animum.

**F**ORTE sub id tempus, Marlio vel Apigli mense, eò loci aderat cum suo nepote ex remotis locis commercii ergo advena Ethicus, quem Romerus diserte de mysteriis nostris edoctum liberaliterque donatum, multis verbis rogavit, ut Christi partibus populares suos conciliare vellit: si id faceret, summam gratiam apud se initurum. Guiraqueraius (id advenæ nomen erat) roganti in speciem assentiens, summâ dissimulatione, ita ab Romero discessit, ut suos ad

novum

Paraquarium  
faciem Evangelicam in-  
fert.

1645.

Terra trans  
Paraqua-  
rium.

Petrus Ro-  
merus expe-  
ditionis præ-  
ponitur.

Ab Indis be-  
nevolè reci-  
pitur.

CAPUT  
XVI.  
Petrus Ro-  
merus Diu-  
Barbaræ op-  
pidi funda-  
menta jacit.

Subsidios  
poterit.

Vansurkium  
in Paraqua-  
riam aman-  
das.

CAPUT  
XVII.  
Barbari in  
necem Petri  
Romerti &  
Sociorum  
conjurator.  
Guiraque-  
rauius proditor.

novum oppidum, atque adeò ad Fidem Christi, invitare velle videtur. Sed is, suopè ingenio ferox & subdolus, in patriam redux, nihil satius habuit, quām si populares suos in Christianæ legis præconem acerrimè exacerbaret. Igitur quamvis plerique Societatis famâ allecti haud ægrè nuncium acciperent, tamen multi offensionem ostenderunt, præsertim hi, qui ē Foïensi coloniâ, deserta Fide, aut ex Peruviæ finibus, majoris libertatis spe, ad Ethnicos transfugerant: inter quos eminebat Mborosenius, apud Mamalucos quondam captivus, sed jam fugâ elapsus, concubinarum multiplicitate infamis, & ariolandî arte pro Deo se venditans, qui si oppida conderentur, phantasticæ divinitati suæ timens, sic circumiacentes populos in Romerum exasperasse fertur. In confinio, inquit, summæ misericordie felicitatis que versamus, ô Sodales: utramvis nova religio vel admissa, vel repulsa nobis concedet; in quam partem inclinabimur, declivis est via. Novæ religionis Sacerdotes, transmissio Paraquario, in viciniâ sedem jam fixâ, quorum institutum est munusculis animos palabundorum allicere, allectos novis superstitionibus initiare, initiatos ad oppida reducere. Reductis verò severas leges imponunt, pluralitatem uxorum vetantes, & gentis etiam primores ad unam vetulam adigentes. Vino se ingurgitare, trucidare, pervagari, lubidines facere, apud novæ legis Magistros omnino vettum est. Sed ne verba vobis dñe videar, animum advertite in Nianduabuzuvium, Itatinensem facilè principem, irremediabili exilio levissimam culpam cum suis asseclis lucentem. Conferte, si libet, eam miseriam cum nostra, & avorum nostrorum libertate, qua quidquid labebat, impunitis licebat, & disturbante periculosa principia, ne tempore, & advenatum industriâ, sine remedio malum corroboretur. In exemplo sint tot Neophyti, ab Societatis hominibus quasi indagine inclusi, qui quamvis jugum excutere jam vellent, minimè possent nam ubi nova religio animos mortaliū fascinârit, corpora miserabili servitute simul illaqueantur necesse est. Sed remedium in manibus versatur, mali scilicet caput amputandum, ne pullulet. Morte luat temeritatis pœnam advena Sacerdos, ut severitatis exemplo aliis ab audacia absterrantur. Hanc orationem exceptit Guiraquerai proditoris debacchatio, atram irarum bilem & impietatis venenum in Societatem evomantis, Christianæque Religionis onera in immensum extollentis, donec conspiratio conflaretur.

## CAPUT

XVIII.  
Petrus Ro-  
merus, Mat-  
thæus Fer-  
nandius &  
Gonſalvus  
Neophytus  
mactantur.

offertum.

Tucambius  
sicariorum  
Dux.

**C**ONFLATA conjuratione, Tucambius expeditionis dux, Guiraquerai proditore in Socium assumpto, quadraginta sicarios armat, & ac si se suosque advenæ Sacerdoti Baptismi ergo traditum iacet, dissimulanter iter capessit. Romerus contrâ, longè alia consilia volvens animo, cum summa cura excolebat Christianæ Religionis candidatos. Quod ab ea re otii erat, Divinis meditationibus impendens, Superos precibus fatigabat, ne prospera principia dæmonis odio disturbarentur. Haec agitant res mira accidit: nam sacerdotale pensum persolvere volenti visum Romero est, precum Breviarium sanguine madere. Quâ re perspectâ ad Neophyto comites conversus: *Superi, inquit, de ertiæ morte hoc prodigo foris nos admonent.* Cui subintulit Gonſalvius, è Tareensibus Neophytis unus: *Quid quid sit de aliis, ego sanè non tergiversabor, & vitam animamq; Christo lubenter im- pendam.* Nec inane fuit prælagium: nam nondiu post Tucambius, sicariorum dux, per dissimulationem, ne præda elaberetur è manibus, per certos homines Romero nunciat, se non procul oppido abesse, altero die cum numeroſa fuorum manu disciplinæ Christianæ ergo cō perventurum. Non defuit, qui tunc Romerum de necis periculo moneret. Altero die summo mane, nescio quæ anus cursu multùm anhelans iteratò nunciavit, Barbaros ex remotis locis sicariorum more pictos non procul abesse, si se suamque vitam amaret, fugâ periculum præverteret. Contrâ ille felicem se futurum aiebat, si suâ morte Christi Fidem testari, & barbaram gentis impietatem sanguine expugnare posset. Itaque quamvis vacuo ferè in oppido, plerisque ad rusticationem dilapsis, versaretur, adduci non potuit ut fugeret; quin Gonſalvum Neophytm arma ad reprimendam vim expedire meditantem reppressit, monens non nocendi, sed beneficiandi ergo, periculis se insinuasse.

Mox